

Ingerlatseqatigiiffiit Kalaallit Nunaannilu oqartussaasut whistleblowereqarnissamut aaqqissuussinissamut (kinaassutsimik ersersitsisuunngitsumik ilisimasamik ingerlatitseeqqiisinaanermut periarfissiisumik) malittarisassiuunneqarnissaannut Naalackersuisut peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Naaja H. Nathanielsen, Inuit Ataqatigiit)

Akissuteqaat

(Naalackersuisut Siulittaasuat)

Siullermeerneqarnera

Naalackersuisut whistleblowereqalernissamut aaqqissuussineq pillugu aalajangiiffigisassatut siunnersuutigineqartumut qujapput, siunnersuutigineqartumilu tunggaviatigut siunertarineqartut isumaqatigalugit.

Naalackersuisut isumaqarput suliniutit nunatsinni innuttaasunut tamanut iluaqutaasussat qitiutillugit isigineqarnissaat pingaaruteqartoq, suliniutimmi aqutigalugit pissaanermik atonerluinerit aningaasanillu salliutitsilluni agguaassisarnerit pinaveersaartinneqassammata. Taamaammatt suleqatigiinnissamik isumaqatigiisummi 26. marts 2013-imeersumi erseqqissarneqartut suliniutit nunatsinni innuttaasut ileqqorlunnginnissaannut qulakkeerinnittut qitiutinneqarnissaat Naalackersuisunit pingaartinneqarpoq.

Naalackersuisunit pingaartuuvoq unioqqutitsinerit eqqunngitsumillu suliat paasineqartarnissaat paasiniaaffigineqarlutillu, peqataanillu nalunaaruteqartoq illersorneqassasoq kinguneratigullu iluaqutissarinngisaanik pineqarani.

Naalackersuisut ilisimatitsissutigisinnaavaat suliniutinik massakut aallartitsisoqareemat piffissaq ungasinnerusoq eqqarsaatigalugu ileqqorluttuliunnginnissamut malittarisassat Nunatsinni qanoq isillugit atortussanngortinneqarsinnaanersut paasiniarlugu. Taamatuttaaq Naalackersuisut nunani allani atorfilittanik oqaloqateqarnernik aallartitsisimapput whistleblowereqalernissamut aaqqissuussinerup pilersinniarnernat suliniutinik qanoq ittunik aallartitsisoqarsimanagera oqallisiginiarlugu misissuiffiginiarlugulu.

Naalackersuisunit pingaartuuvoq pissutsit assigiinngitsorpassuit qulaajarlugillu misissuiffigineqassasut, taakkununga ilanngullugit aningaasaqarnikkut allaffissornikkullu kingunerisassai, malittarisassammi whistleblowereqalernissamut aaqqissuussinerup pilersinniarnernat suliarineqarnissaat pingaaruteqarmata.

Naalackersuisut 2014-ip ingerlanerani whistleblowereqarneq pillugu aaqqissuussinermut siunnersuuteqarniarlutik eqqarsaateqarput, pissutsit qulaani taaneqartut pillugit iternga tikillugu misissueqqissaarnerit misissuiffigineqareerpata.

Qulaani taaneqartut tunngavigalugit Naalakkersuisut aalajangiiffigisassatut siunnersuut taamak isikkoqartillugu tapersersorsinnaavaat, siunnersuutigineqartorlu aappassaaneerseqarnissaa sioqqullugu Inatsisinut Ataatsimiititaliami suliarineqarnissaa innersuussutigalugu.